



Visoko sudsko i tužilačko vijeće Bosne i Hercegovine  
Visoko sudbeno i tužiteljsko vijeće Bosne i Hercegovine  
Високи судски и тужилачки савјет Босне и Херцеговине  
High Judicial and Prosecutorial Council of Bosnia and Herzegovina



JAVNO

Broj: 17-50-2-35-7/2026  
Sarajevo, 10.03.2026. godine

PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 11-03-2026			
Organizaciona jedinica	Klasifikaciona oznaka	Redni broj	Broj prijosa
01-50-1-532/26		532/26	

**PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM**

**Predmet:** Odgovor na zastupničko pitanje, *dostavlja se*  
(Veza: Vaš dopis, broj: 01-50-1-532/26 od 13.2.2026. godine)

Poštovani,

Visoko sudsko i tužilačko vijeće Bosne i Hercegovine (u daljem tekstu VSTV BiH/Vijeće) zaprimilo je dopis Predstavničkog doma Parlamentarne skupštine BiH, broj: 01-50-1-532/26 od 13.2.2026. godine, kojim se dostavlja zastupničko pitanje zastupnika Predraga Kojovića, koje je VSTV-u BiH uputio u pisanom obliku. Dopisom se od Vijeća traži odgovor u roku od 30 dana.

Zastupničko pitanje glasi: „*Koje konkretne aktivnosti će Visoko sudsko i tužilačko vijeće BiH poduzeti povodom odbijanja Osnovnog suda u Banjoj Luci da pokrene postupak za brisanje Milorada Dodika kao osobe ovlaštene za zastupanje političke organizacije Savez nezavisnih socijaldemokrata (SNSD), odnosno sa funkcije predsjednika SNSD-a iz registra političkih organizacija, da li će biti ispitana odgovornost sudija koji su donijeli ovu odluku i koje mjere VSTV planira poduzeti kako bi se osiguralo izvršavanje pravosnažnih presuda Suda BiH?*“

U obrazloženju zastupničkog pitanja navedeno je da je pravosnažnom presudom Suda BiH, broj: S1 2 K 046070 23 K od 26.2.2025. godine, optuženi Milorad Dodik oglašen krivim da je počinio krivično djelo neizvršavanje odluka Visokog predstavnika iz člana 203a. stav (1) Krivičnog zakona BiH, zbog čega je osuđen na kaznu zatvora u trajanju od jedne godine, te mu je izrečena mjera sigurnosti zabrane vršenja dužnosti predsjednika Republike Srpske u trajanju od šest godine od dana pravosnažnosti presude.

Navedeno je da je Osnovni sud u Banjoj Luci, odlučujući o prijedlogu Centralne izborne komisije BiH da po službenoj dužnosti pokrene vanparnični postupak za brisanje Milorada Dodika kao osobe ovlaštene za zastupanje političke organizacije Savez nezavisnih socijaldemokrata (SNSD), odnosno sa funkcije predsjednika SNSD-a, iz registra političkih organizacija koje vodi ovaj sud, donio rješenje, broj: Rp-9/02 od 24.11.2025. godine, kojim se odbacuje prijedlog Centralne izborne komisije BiH.

Ističemo najprije da Vijeće u skladu sa odredbom člana 3. Zakona o VSTV-u BiH kao nezavisni i samostalni organ ima zadatak da osigura nezavisno, nepristrasno i profesionalno pravosuđe, kako je propisano u članu 17. ovog zakona. Iz relevantnih odredaba Zakona o VSTV-u BiH jasno proizlazi da Vijeću nije data zakonska mogućnost da se miješa u rad pravosudnih institucija u vezi sa konkretnim predmetima, niti da daje instrukcije i smjernice za postupanje nosiocima pravosudnih funkcija u vezi sa konkretnim postupcima koje vode.


U skladu sa navedenim, obavještavamo Vas da su radna tijela Vijeća već razmatrala istaknutu situaciju, nakon prijema prvih saznanja o navedenom pitanju. Naime, nakon prijema dopisa Centralne izborne komisije BiH, broj: 05-1-07-1-939/25 od 13.11.2025. godine, radna tijela Vijeća su razmatrala način postupanja relevantnih pravosudnih institucija u vezi sa pitanjem nastupanja pravnih posljedica osude po presudi Suda BiH, broj: S1 2 K 046070 23 K od

26.2.2025. godine, i to imajući u vidu nadležnost Vijeća da osigura profesionalan rad pravosuđa, ali bez miješanja u rad pravosudnih institucija u vezi sa konkretnim predmetima.

S tim u vezi, a cijeneći odredbe Zakona o VSTV-u BiH, Vijeće se u svrhu dobijanja potpunih informacija, prije prosljeđivanja zaprimljenih informacija Uredu disciplinskog tužioca VSTV-a BiH, kao tijelu nadležnom za utvrđivanje postojanja eventualnih kažnjivih propusta u postupanju nosilaca pravosudnih funkcija, obratilo relevantnim pravosudnim institucijama, odnosno Sudu BiH i Osnovnom sudu u Banjoj Luci, sa zahtjevom za dostavljanje informacija o poduzetim aktivnostima na brisanju osuđenog Milorada Dodika, kao predsjednika političke stranke SNSD-a, iz registra političkih organizacija, uz prateće dokaze.

S poštovanjem,

Predsjednik VSTV-a BiH  
Sara Bogunić



Dostavljeno:

- naslovu
- a/a